



懷舫詩續集卷之六

目錄

謝宗可詠物十四題增減成詩十首屏滿熱悶

月暈

花影

蝶睡

蛛懸

飀氣

香塵

竹粉

柳陰

秧針

麥浪

少陵之後興必於秋章定為八余竊無取乃賦夏興七章章各七句格似蘇公歌非杜老所謂一家言也

咏梅十首

螢燈 非螢光也乃小兒糊燈入螢于內

荷莖煙筒

竹葉舟

麥笛 麥楷製成一名麥管

伏日李藩伯邀赴江寧質訟作代答簡

大風歌 六月十八日

午夢三十年前亡妓

暑夜偶感二首

晤贈 伯翼大兄

送夏固逃暑虐當秋將起鄉心奉和 蓼莊亦

言志耳

七夕偶成簡 伯兄

七夕二首

哭太倉王相國二首和緘菴學士

夜雨二首

新秋舟中四首

秋憶二首

睡醒二首

送李方明先生歸蜀

七月晦夜吳俗插燭於地云照冥獄得解脫也卽
事二首

八月朔十韻

上陳撫臺二十韻

望山

返棹

八月十三日買桂一株植堦下

八月十四日出遊虎邱

八月十五日述懷

望日又買桂一株海棠一本

夜月皎極記之以詩

石湖秋泛四首

秋日遊治平寺四絕句

治平寺遊歸卽事

蚤起十韻

次晨又作

客觀懷素真跡戲作

戊申九日

九月十九日古重陽

九月廿九日亦作古重陽

九日又作二首

紀遊

懷舫詩續集卷之六

謝宗可詠物十四題增減成詩十首屏消熱悶

月暈

河流侵九道月郭建重城竊藥飛難入乘箕築易成條
環虹影射輦帶兔華縈缺處風姨舞人間萬竅鳴

花影

素月落籬根扶疎壁可捫佳人寧獨立倩女見離魂窓
隙橫斜動簾前綽約存高堂明鏡裏恐致舞鸞吞

蝶睡

竹檻倦游後芳叢靜息時夢終沉色界影自照清池香
霧來深護春光卸不知莊生思物化曼衍更無期

蛛懸

偶懸姑待解身世共悠然伸縮直弦在煩苛密網捐心
能忘住著形未脫拘牽莫測猶龍杖非天不是田

劍氣

常見倚崆峒胡來困匣中聲光驚午夜星斗映寒空
敵超軍右屠龍照海東不知白首客高望爲誰雄

香塵

熏爐藏厚霧墮地積前塵穩藉蓮花步平鋪蕙草茵
燕巢堆玉壘蟻穴結芳隣聚處埋荀令旃檀是化身

竹粉

敷粉增高潔此君最有情玄霜浮玉杵芳澤浥虞英刻

句雲箋薄粘衣白袷輕仙人膚似雪骨節自瑋瑋

柳陰

河橋含霧白林麓卷山青隱隱聞啼鳥低低覆酒亭
漁炊連荻岸晚雨黯沙汀送客疎殘處猶能綴曉星

秧針

堪繡木棉否得穿柳線無刺農流赤汗除蟻茂青稊直
不宜綸釣深能補瘠枯滿吞寧老衲鳩摩羅什事百口盡須

餬

麥浪

地平方教稼原上忽驚濤萬頃連雲動長阡湧翠高
參差擬苻菜砂石喜澄淘綠作臨淵羨求魚反得甃

少陵之後興必於秋章定爲八余竊無取乃賦夏
與七章章各七句格似蘇公歌非杜老所謂一家
言也

海霞亂起布虬鱗若木高撐架赤輪三島樓臺凝紫氣
萬家煙火溷淄塵驂騶汗血趨途急將相會冰入直頻
君不見跣足科頭長晝裡挹荷風聽竹雨清涼祇有賦
詩人末一長句

鳥墮高原魚厲淵堅金流液木生煙吳牛夜喘昏黃月
越客常憂瘴癘天灘上披裘思避世暑中痛飲恍遊仙
君不見玉關西去雪山路萬歲冰六月雪炎涼隨遇可
窮年

無由赤脚踏層冰安得長風逐大鵬伸屈泥中身類蚓
紛紜眼底世多蠅浮雲漏日陰仍熱濕霧朦空夜倍蒸
君不見丹成羽化凌虛客斗擎漿河濯垢簸箕鼓翼待
霜澄

晨起茅簷壓黑雲轟雷凍雨耳訛聞龍懸陸湧三江水
風過林奔萬馬軍毒暑頓消思續挾敝衾全濕待香熏
君不見卑棲窮老夜愁睡汗粘肌蚊刺骨天心忍不救
如焚

三星燦燦值昏中日麗南離望雨風解阜虞廷民在念
旱乾揚域袖其空憂勤大吏瞻雲霓雩舞羣巫怨蟪蛄
君不見畫棟雕墻廟宇立犧牲成染盛潔龍煮無靈豈

食功

暑雨流連秋未來時增長夏序相催辰星西徙河當戶
蟋蟀喬遷露滿苔擣練聲將鳴院落結期僧欲下山隈
君不見激昂彬雅古賢俊桓笛風庾樓月感懷賦景著
清才

竹林幽鳥曉爭啼柳岸新蟬噪日西樹底移床酣綠蔭
溪邊緩步杖青藜盃浮竹葉啖常潤笛落梅花調已悽
君不見千古流傳有月令歲功成物候變及時行樂任
天倪

咏梅十首

凜凜冬深草木殘仙根梅福領芳壇寒村產艷新承寵

荒驛當門隱抱關靜女幽閒宜採擷詩才清俊許盤桓
世人盡愛花孤潔漫對夷齊失正冠

列植階除塵緒空丰標彬雅素儒風大夫高節協潛德
君子祥暉傍直躬老幹苜班三代上香林玉立堵環中
先開幾朵如文士蚤慕聲華與世通

遷流官閣老荒江歲晚芳心托寶幢撲面寒煙斜蓆帽
維舟香雪落篷窓來携酒榼騎驢覓歸共詩囊藉僕扛
素鶴白雲閒往返佳人獨立世無雙

西池屑玉散香遙綠雪栽花璞盡雕湘女裙邊千葉蒞
明妃粧次一房椒垂垂江上催華髮隱隱樓頭落碧簫
釵鈿六宮紛點額不妨潤色到漁樵

花擁朱輪寒日西冷芳幽艷滿沙堤色瑩玉帶牙牌映
香惹金爐紫袖低開宴瓊瑤千片舞懸燈朱粉兩行齊
惟嫌投夢留明月蚤警趨朝唱曉雞貴家梅

茅屋堆冰雪塞門春貽芳信透籬根一枝喜折堪空甌
滿徑愁飛障敝禪削代華簪粧季女煮充香粟飽王孫
奠花金玉無驚眼旋汲清泉注瓦盆貧家梅

臘日旃檀結異葩驚山產玉自無瑕龍歸僧鉢鱗飛瓣
香散經壇天雨花獅象隊中形隱見琉璃光裡影橫斜
應同貝葉裝芳褥鋪滿白牛最上車寺中梅

千樹參差十月開飛花路接越王臺蕭條旅館香常鎖
汗漫征途春又回駟馬勞臣憑軾望一麾遷客動鄉哀

榮枯閱盡年華改丹旆空驚過嶺來嶺上梅

佳人不藉粉脂妍雙頰嬌紅暈自然貞靜羞稱妃子醉
繁華無待艷陽天赤珠寶樹宜雲水絳雪真仙類僊佺

笑彼天桃顏色假萋萋襯葉得光鮮紅梅

雲裁長袖翠裙迤陌上芳茵襯玉珂苔蘚砌堦眠野鶴
冰霜滿浦護漁簑瓊樓處處環春樹碧宇重重倚素娥
月白山青堪把玩畫圖飽看老巖阿綠萼梅

螢燈非螢光也乃小兒糊燈入螢于內

自照墻陰煙草菲遭逢造次入羅幃未同蚌合珠光隱
祇似星搖雲葉稀秉燭紗櫺蛾不撲懸囊書案蠹應違
高燒萬盞南柯郡此夜淳于尚主歸

荷莖煙筒

截碧爲筒插酒筵寧知玉煖自生煙荷根誰信鎔爲鼎
火宅人言柱是蓮直幹亭亭蜚豹霧柔絲冉冉噴龍涎
長莖時見白雲起紫帶金盤露氣鮮蓋露烟名

竹葉舟

淇園伐筴惜無留披摘瀟湘葉作舟浩蕩何妨容野馬
風波應不觸閒鷗環橋螻蟻揚舲渡航海維摩棄葦游
縱使飄搖同泛梗蹄涔香海悉忘憂

麥笛

麥楷製成一名麥管

豐年簫管隴頭多孺子騎筠共和歌爨下遺材協律呂
塲邊合樂引笳螺風高莫上江城吹響細難邀彩鳳過

光武飯時工失奏遂教寂寂渡滹沱

伏日李藩伯邀赴江寧質訟作代答簡

升虛風不來漢奔汗無友妻孥聚陋室晨多憂焚燹巷
陌絕車徒鳴吠停雞犬薄暮聞啄門使斡亦裸跣來邀
烈日中衣冠聽議讞念彼雀與鼠叢穴各求免獄吏醉
逃暑金矢罰始晚七月鵲梁成秋河渡清淺再附李膺
舟仙遊歷曠遠

大風歌

六月十八日

大風起兮雲飛揚朱霞蘸墨赤烏藏萬戶歡聲隨雷鼓
寸心烈焰漑冰漿老子屈起步庭下拭眸四顧神王強
婦子相對愠盡解典衣進酒存虛筐天際傾俄變燠涼

何嗟迂怪說滄桑我生十八游吳閩四十餘年歲月長
娼婦妖童今老醜高僧夙儒誰黃耆江山氣象觀非舊
白頭客此堯崩後獨立風前發悲歌少不如人奈老何
安得壯士携長劔決盡浮雲白日見浮雲剷根投要荒
飼豺虎兮禦魍魎小人勿用治虞唐近傳
午夢三十年前亡妓明旨嚴鑿小人
已葬貞孃三十年珊瑚魂化儼非煙來投是夢原無鹿
久幸忘魚豈記筌黃土傷心寧粉黛白雲結社竟移遷
茫茫隔世成今古張緒才名老厭傳

暑夜偶感一首

月上更深烏尚飛空堂偃仰動鄉悲田園荒久寧三徑

墓樹增長感四時失學兒孫終碌碌式微風景定靡靡
暫歸仍往從軍役腐鼠封侯欲嚇誰

涼風中夜到疎帷冉冉行催夏令歸蟋蟀屢遷墻戶下
征夫乍見雁鴻飛便辭南國求脂秣好向西山問蕨薇
除掃蒼巖幽洞臥白雲深處世塵稀

贈贈 伯翼大兄

五載重遊此浮雲屢變遷相逢雙白鬢接坐片青氈情
話江湖際身思少壯前陵夷懷舊德勞苦治心田花鳥
將娛老煙塵尚備邊何時同賽社酒食共耄年

送夏固逃暑虐當秋將起鄉心奉和 蓼莊亦各

言志耳

晨夕俄驚涼燠分秋風辭調變絃熏已濃清露零朝雨
尚建朱霞擁暮曛良覲愁銷凌漢鵲去讒聲散聚雷蚊
雖迎新爽蘇衰病又恐鄉思動朔雲

七夕偶成簡伯兄

向暮秋生細雨中小庭蕭颯入涼風女床堪憇行雲倦
河鼓將敲昏霧空大抵離懷先謫宦由來巧思斬衰翁
共餽瓜餅成追憶五十年前兩慧童

牛女實女床河鼓二星也

七夕二首

碧宇淨雲織星河照酒筵時光消客裡兒女拜燈前故
國秋先到鄉心老更懸天孫離合恨黯淡倩誰傳
月影清如洗涼颺細若吹漸看明露草旋見落香卮蕭

索離羣怨孤迢稅駕期素輝重照鬢丹桂蚤盈枝

哭太倉王相國二首和緘菴學士

多年桃李謝中林挺秀蒼松美蔭深沾洒虬鱗秋薤露
飄零鳳羽雪山陰官詹昆仲在邊蓋棺誰爲含良玉歸骨難期
散賜金寧止凡材羞負荷漸看喬木少千尋

相國乃先相國庚

戊主關所得士獨享大壽

曾因讀畫訪東村泫染池亭煙雨痕花發平泉招客展
鐘殘長樂滯歸魂前朝舊史名賢跡皂帽青門王謝孫
太傅安能丘壑老西州再過哭聲吞

相國先人太常公善畫名世所構樂

郊園在城東內有畫就軒昔曾一遊

夜雨二首

蚤臥愁頻醒輕陰雨乍濡淒淒搖檻竹颯颯落庭梧
怨縈砧杵蚤聲在戶樞誰憐憔悴客猶辨問征途
蹀躞曾馳馬衰遲更荷戈天山思勒石星海試窮河
霍封侯早風沙暴骨多不堪充漢使仗節下修羅

新秋舟中四首

清秋舒鬱寫懷時新賦陳人世所嗤往日夢中猶有蝶
今年毛盡不存皮時虧項溪橋一葉隨潮汐風浪千番
任險夷故我六旬偏未化祇憑歌咏送衰遲

名花次第見凋殘桂菊行開歲漸寒天寶亂餘金粉盡
西施葬後雨雲乾隰原稼晚鴻初響點染霜輕楓未丹
栗里先生歸去日落英餐飽稻梁難時有歸鄉之機而田廬將盡

放歌聲逐放船回舵尾風飄冷翠來敢向明時傳五噫
羞從澤國望三台山容誰畫供奇賞秋景天教老賦才
此日閉門吟硯北諒無爽致入清裁

洄湖江流繞郭闔秋光不染市廛塵酒家花樹紅樓接
僧寺石幢碧沼隣爭席無猜來野老同舟莫逆有漁人
便思雲水常浮宅滄海悠然作蛋民

秋憶二首

清吹高城肅輕雲小院陰閒居羞素飽望古托遐心露
濕疎梧墮砧寒殘月臨無臺堪遠眺秋思愈沉沉
序當鴻雁候眸縱蔚藍天客有三閭况宮無一畝遷時
遷家園雖夢到歸信祇虛傳槐砌苔應滿空堂念悄然

余家兼濟堂前老
槐六十一餘年矣

睡醒二首

睡醒軒簷綴細流可知此日遂優悠定無剥啄衝泥雨
姑免招尋致悔尤山叟售柴貽蚤桂小妻賣釧贖綿裘
先生高臥忘聞見但遣清思事冥搜

短杖長鑿隨意携山如故里列城西

栢鄉城在太行山東

大在悵無驢

背佳思少雖好樓居僦屋低芝秀幽巖逃雪霰雲橫曠
野謝排擠行求吳地一峯老權認新豐作舊棲

送李方明先生歸蜀

學宗濂洛溯義文揚馬衙官已冠軍自在明肯爲孟浩
非因直策放劉蕡

公一試得元竟不
會試而歸

岷源注足江湖水玉

壘看殘今古雲暫返躬畊終相漢君才十倍定升聞

七月晦夜吳俗插燭於地云照冥獄得解脫也即

事二首

插燭焚香冥祀昭新秋晦夜儼元宵火龍綿亘千門敞
寶炬輝煌九陌迢粉黛簾閒喧笑語兒童羣裡互呼招
當頭不借團團月萬斛明珠照步搖

黠七星河朦重霧煌七燈火照秋城人囂犬吠如除夜
聚伍分參侶結營誰向死前能識死佛言明盡得無明
更深動息聲光寐此際澄觀見我生

八月朔十韻

連宵澄露色此月判秋光桂結雲中子蓉修江上粧渡

河蟾影大初旬月在河西上強計日兔毫長繡線添宮前後在河東漸大矣計日兔毫長繡線添宮
漏清砧亂夕陽騷魂招楚郢閨夢到邠涼西域張騫客
南樓庾亮觴故人多濩落老我盡丹黃莫葉生盈數曦
輪暎滿匡兼葭留雁侶湖海寄漁庄樂土無須問逢場
是醉鄉

上陳撫臺二十韻

光被堯天下華諧舜日中三朝滋樸棧六詔啟名功
滹水思棠久吳山錫福重經綸羣度肅冰雪一囊空慈訓
溫而厲嘉猷孝作忠文章身蚤貴道義量常充吐握安
卑牧委蛇秉大公學深仁宇泰識裕智源洪
簡畀原精白仔肩仗毅弘循墻驚受寵銘座慎持躬敬

主無欣羨誠宣得感通豚魚皆可格衾影復何悅駐節
囂塵外怡情積翠東縱觀今古盡博採芻蕘窮集益來
才傑基謙本穆冲善言奔轅至雅化伏愆融放廢容糴
拜丰標仰岱嵩金浮乃冶躍玉玷豈磋攻數厄占神物
心憂賦艸蟲慤勤申誓誦瞻望發醯蒙

望山

望之蔚然者吳山陽爲鎮雩祀昔從登雲表聳千仞上
有太古栢枝枯幹蒼潤下有螫龍窟淵默起雷震秋陽
耀軒蓋涼風爽鬢髮憲度肅瞻拜窅窅聚英俊七載事
變多一身際羣疾舊侶空眼中游魂或旅櫬山靈閱劫
塵蚩匕素捐擯衰倦想結茅幽深絕問訊

返棹

午餘撥棹回雲影亂短檠白露澄川練黃葉發林響索
居每孤唵閒遊亦獨往浮沉湖海寬意氣霄漢廣時平
身辛廢旅食值歲穰斗米望三錢魚賤不自網長簫入
市吹高春就簷埽秋月行滿照忘憂酒在盞咏罷夢且
歸醉醒飯姑彊作客雪盈頭寧必老鄉黨

八月十三買桂一株植堦下

山農荷桂賣斗粟與交成村舍來阿秀幽堦立寧馨寧馨作
去聲繁枝嵐氣護芳藥露光凝日下亭亭影風高瑟瑟聲
膽瓶盛水足螺髻抹膏輕欲折還深惜留香供月明

八月十四日出遊虎邱

芳樹留荒館秋思邁古城雲煙朝雨歇樓閣夕陽晴是
處開香甸誰家坐月明霜飛江練潔船碾鏡光瑩海舶
紅毛酒吳孃皓腕箏芙蓉波底艷歌吹嶺頭清花養素
宮活糟封蘇小陵冶遊人易老終覺愧蠶耕董子墳前
故名下馬陵是常人塚墓亦通曰陵

八月十五日述懷

客中年六袞秋半月三盈萬戶仍歌舞隻輪自晦明家
書疑近少詩本喜新成高臥風淫末素問風淫末疾游觀蒿在
晴下庠思養老絕塞正論兵士散公孫閣霜凝受欵城
故鄉歸已晚素髮照偏明流憇窮終古虧圓祗既平坎
五爻辭曰坎不盈祗既平該盡水月理數矣

望日又買桂一株海棠一本

雙桂結芳隣秋棠對麗人移根城市裡回首水雲濱色
鄙春花艷香嫌古栢陳山家粧雅淡月殿影繽紛堂上
書輝映窓前草蔭均白榆堪間種紅粉欲加勻貝葉朱
欄潔祇林金粟新雖無芋栗貯自覺未全貧

夜月皎極記之以詩

雲塵滌蕩紫霄空赤道高憑殿殿宮闈闔大開銀海上
山川都入鏡光中漸生華彩凝宵露斜瀉星河動曉風
喜戴清輝今夕永升沉無暇問鴻濛

石湖秋泛四首

高士風清水一涯石湖撥棹載煙霞遊觀靜境饒秋興

憑弔名賢感歲華嶺表波閒皆着月酒邊扇底欲忘家

置身天鏡空明裏莫更思乘泛斗槎宋人范石湖詩墮入濕銀天鏡中

清溪隨柳號爲愚湖屬詩人置大瓠廢宅蒹葭秋水岸

遊船洄溯輞川圖青山寺側鶴時舞黃葉村邊雲日鋪

晚泊長橋天宇淨玉環顆顆湧明珠

片月光分得十輪天鋪碧玉水鎔銀橋門蚌啟蟾投窟

山頂嵐飛翠撲巾舟子招來仍蠟屐秋懷拓處是行春

桂花未落將開菊湖水疑連香海濱長橋九洞每洞有月合天月共十輪

也春橋名行

雲水秋來發淨光幾重煙樹繞滄茫隨風一葦原無定
醉月三圓亦可量佳麗漢陂同富有江山赤壁較蕭涼

於中卒歲猶多憾偶到旋歸底事忙

秋日遊治平寺四絕句

路轉橫塘水倍清溪閒漁艇徑樵行石湖澄碧橋沉玉
岸接松陰到治平

歌柱頽階古佛宮莊嚴彫敝兩風中姑蘇臺下游麋鹿
泡影觀來亦大同

遍扣僧扉少作家上房棗栗下房茶無師接引遊南院

落盡祇林雙樹花

聞別院有雙
桂未得一看

籃輿晚舁入新園花繞池亭樹匝垣獨坐空堂看竹去

主人識否不須言

治平寺遊歸卽事

氣候已秋深淒清動遠心散交惟古友卑伏但高吟杖
履留雲阜棲遲落葉林晚鴻同唱歎野馬與浮沉採菊
修丹藥携僧躡翠岑霜鐘何處寺寒杵幾家砧歸泛溪
橋月涼生竹樹陰滄江容久臥佳趣醉鄉尋

蚤起十韻

年衰偏蚤起清淑洽脾肝曉日小堂靜荒堦重露寒案
頭沾酒汙枕側有書攤盛友知艱致貧居本易安草花
攢徑曲狸犬亂門闌蔬藉隣園贈食分獨老餐

常食以
白飯

孤笳吹郭上羣雁響雲端塵裡高懷拓風前短

居停主
人無子

褐寬杜陵悲蜀道屈子佩湘蘭更欲浮滄海神山放眼

看

次晨又作

曉星如小月出照室宦與蟲飛已
蟪蛄繞簷群雀噪老人起繩榻披褐加皂帽孤清一事無荒徑姑擁掃病葉
雜枯枝東簷秋日暴就鄰共蚤春米少每留糴出門鮮
所適古瑟非世好侯鯖與禁鱸嗟來多悔懊遍種東籬
花高寄北窓傲有琴不解彈聊復歌雅操

宦音宜室
東北隅名

客觀懷素真跡戲作

向午佳客來索觀唐墨翰初試雀舌茶旋拂鼠跡岸藉
以舊青氈清沼共手盥出櫝見古光日影射凌亂題簽
宋徽廟書載千年縵劫灰焚六幅靈秘留一段詩紀天
姥遊文章萬丈煥太白無敵詩揮灑狂僧腕神龍游雲

表風雨驚汗漫滄海擁巨濤起伏失涯畔陣長虺蛇奔
峰隱珠璣貫收藏嗜古家賞識列璀璨俯仰競叫絕流
連借味嘆故家既覆傾陳人久羈絆長物是七尺那能
寶雅翫得錢聊易米餘者致薪炭朝夕計良迫何遑論
秦漢名流掩口歸歛袖竊發粲

戊申九日

久驚秋老物驚霜歲稔時平亦激昂天淨雲煙山朗秀
原空禾稼樹滄茫酒徒歌吹皆淪寂詩社人琴半散亡
獨剩一身衰病在凄清滿眼客他鄉

名酒送來饒飲興菊花開晚寂空墻因逢令節踈兒課
為宴佳賓典妻釵鮭菜登盤成雅集風霜挾筆寫幽懷

莫輕料理白髯老千里猶期與驥借

九月十九日古重陽

曆罕季秋常置閏古人好事閏重陽日纏大火餘移次
醉繼龍山別有鄉叢菊兩開彌冷淡賓鴻游至垂飛翔
沿平再訪僧會識前度劉郎老更狂

秋懷開處啟重門更上層樓招斷魂向倩正冠今落帽
久留醒病又開樽山根花比籬根好中浣霜逾上浣繁
爲悵登高來舊恨這回醉臥白雲村

九月廿九日亦作古重陽

九月每旬逢九日古人雅喚作重陽莫囊佩滿成八字
菊酒香清逐品嘗進履登高頻不厭造廬邀友數無妨

一秋節當三秋醉始信延年有妙方

每遇重陽得快晴深秋三醉泰階平花看少壯衰行至

酒住精神氣亦停道經有三高士祠邊聞笛弄闔閭塘

畔聽江聲吳有三江客中情久傷搖落莫更筵前唱渭城即

關三

九日又作二首

客堂無事得幽趣薄雲晴日風蕭涼石堦飛葉掃難盡
苔徑雜花開頗長佳節酒清姑歡醉老年身嬾乏治方
隣叟出遊歸晚暮抱菊荷桂分芳香

衰遲閒曠復何憾富貴佔危豈可安妻子饑凍幸團聚
歲時遊衍支燠寒朱門近多閉茂草丹旒遠或歸桐棺

六十病翁猶咏唱栽培在我非摧殘

紀遊

城上清笳吹垣周乾葉響嵐浮山骨高波小湖心廣賃
舟旋質錢借僕競揮槳白雲未許棲翠嶺姑成往晴峯
列似屏秋水平於掌林餘飄酒帘橋側曝漁網村童各
牧樵貧婦同績紡客來雞犬驚岸踏精神爽野園布瓜
蔬荒麓懸栗橡茅齋讀書聲石案盛糟盎牛眠厰稻塲
烏下積薪厰容與見老人流憇扶鳩杖不肯道姓名但
言足俯仰南北家何在陸沉跡若訪或爲任宦人抑是
關亭長曾穿幾緡屐解入茲榛莽欲罄談塵踪恐遽藐
冀壤袖中出新詩卷内存竒賞拱立卑其躬徐觀點厥
顙胡甘失曠閒且樂尋悲愴三閭舊大夫七尺常骯髒
猶妄計升沉轉思要標榜迅歸爾市廛毋辱余里黨投
地掉頭回汗顏俛首想此行遇鴻濛向天問誠枉

懷舫詩續集卷之六

懷舫詩續集卷之七

目錄

遊杭詩二十首 有小引

山水花鳥分擬四首

竹枝詞十五首

鹵湖十景詞 調寄蝶戀花

擬鹵湖妓唱十景竹枝詞十首

和西湖十景截句代內

遊枕詩小引

七年茂苑其咨暑雨邗寒往日西冷迺憶湖光山
色熱知避社載歌駢駢征夫馬幸識途忽遘招招
舟子疎經旬之飲約溯千里而花盃乃裹餼糧曰
有奔轆武林門外暫維一葉漁船昭慶寺中借住
半龕佛宇雙肩孤艇目窮雲嶺極煙波晨出暮回
躬冒曉風凌夜霧追尋舊遊踪跡語人疑是爛柯
山檢拾新句抄傳見者驚爲點鬼簿四十載離思
別緒重隨景物抒排三千劫戲局優場另設繁華
粧綴量無盡藏作如是觀爰錄雜詠十五律於後
南風催穀雨倦客志遊杭歸計周旬約閒心數日忙爲

童旋市履得棹竟褰裳竊發妻拏笑君行忘裹糧辨裝

輟雲堆古塔新漲入春城岬有賣花圃亭多啼樹鶯日

斜芳嶼黯舟泊野橋橫小兩孤蓬底湖山夢境清出城

客行歷曉夕川途問亭長十里近武林神已先馳往困

翼豈奮飛壯心固駘騃山水可怡情勿為榮利罔抵杭

望後月來晚照船蘆竹叢眼中遊侶盡寺裡影堂重城

郭鳴宵柝關津渡遠鐘明晨尋梵刹繡嶺舊離宮夜泊

使至觀軍容旌旗夾馳道孤亭石磷磷高麾風浩浩富

春翠髻招西陵花鬢笑願過莊光臺弭節姑垂釣聞使臣來

重來尋往跡石逕繞桑阡湖近多遊女風高繫紙鳶茶

毘聞及寺聚散說隨緣喜晤趙州老鄉心頓豁然昭慶寺

秉節聯驄馬揮貂認使君李莼披盡錦榮戟擁如雲日

下聲光接時移車笠分汀洲聞野鷺久別鷺鷥羣觀顯者

暮夜入湖遊濃煙波面浮山岫塔影隱亭黯水聲幽鏡

忽高峰掛珠來銀海投琉璃光界內祇我與孤舟夜遊

小犬花籬吠雛僧竹院迎筑扶苔逕滑龕照佛燈明跌

坐聽鈴語休心息夢縈明朝城市裡老獸強侯鯖夜歸寺宿

風落松高詠麋遊花碎鋪晴春邀士女野寺買醍醐泉

冷淘腸轅山來伴袖孤心就雲水起不顧酒家胡靈隱路見

林麓行將遍追尋處士家梅遵時養晦亭伴鶴棲霞鐘

趨僧厨飯風飄戍壘笳思登曾眺閣人久泛仙槎放鶴亭

學士碑青靄將軍樹白楊鶯鶯歌送老小小墓埋香苑

待三千歲醉餘幾萬場隨時求我遠詩酒是丹方湖西

四十餘年後吳峰復縱觀從遊思翠輦隔世訪黃冠山

水樓中貯鶯花越下繁嶺湖渾未改依舊古臨安城隍山舊寓

湖山晴日下來往彩雲中天眷狂遊客春生趕舵風有

詩消俗累無路與仙通歸覓簞瓢樂何須問屢空歸蘇

錢塘春社盛每舉萬金殘簫鼓旌旗繞樓臺佳麗攢五

雲隨岳降百寶飾童觀同樂何須此先憂在餒寒觀社補賦

詠長公句用山水花鳥分擬四首

若把西湖比西子高峰堆髻碧雲深魂依鷲嶺時飛夢
病望蘇臺一捧心雷塔晴霞宵醉醒吳山明月晚粧臨
步虛是處多清響雙屨趺然天籟音

若把西湖比西子一泓銀鏡照容光
落橫膩粉魚皆美

荷染凝脂水盡香涼月臨潭思浣侶冷泉流韻哭吳王

連朝日麗芳池暖猶記花洲賜浴堂

若把西湖比西子繁華想像有無間六橋金線垂宮袖

孤嶼寒梅點玉顏衣錦盈堤開萬隊鋪蓮綠路觀雙鸞

白雲翠嶽遙相映畫作春衫五色斑

若把西湖比西子秋鴻春燕總關愁鶴歸越國雄圖歇

鶯老佳人絕代休社宇聲中悲蜀帝鷓鴣飛處想歌樓

湧金門上烏頭白晨夕驚啼歲月流

竹枝詞十五首

元戎羶帳殿湖亭享客熊駝列鼎劔擊鼓鳴笳爭進酒

妖姬齊唱海東青

錢塘門中美妙年
朱櫻紫馬珊瑚鞭
彈得箜篌醉錦瑟
行贈金莖雙玉蓮

耶孃攜來住越州
腰肢不讓小蠻柔
莫繫湘裙遮綉襪
錦袍蹴露鳳靴頭

髮甫齊着便嬌憨
博錢贏得絹雙端
裁成衫子薄宜着
不怕看潮江岬寒

身材不願老南方
試馬江干學挽強
待從貳師西出塞
寶刀夜斬月支王

吳歛日盛越歛休
學唱吳騷半白頭
追想汴京遷播日
宣和宮譜在歌喉

西陵谷口花倍嬌
麗人春水泛蘭橈
欲呼女伴蘇堤去
一霎風吹向斷橋

蘇小墓頭春月昏
寒食雨中今古魂
家家湖上競歌舞
日斜盡入湧金門

娼家釀酒鬱金香
花間飲起好春光
春歸冉冉不盡醉
江湖日夜打錢塘

湖亭面面綠楊拖
絲如金線鶯如梭
香彈打鶯掠水去
驚起鴛鴦可奈何

吳山上下多樓臺
夜夜吹簫鳳未來
明月還照宋舊內
九哥老此不思回

莫說葶蘿似妾家
竹扉茅舍匝棠花
不折花枝折桑葉

凝碧如鈿貼髮斜
池養朱魚碧藻深
玉顏照水春波侵
清減容光今幾許
讓他年少採芳芹
堤頭苑杏嶺腰梅
候轉時過土半堆
凌曉湖山惡風雨
有人看堊小青回
歸宋平吳事已虛
湖山更解老樵漁
越王宮接錢王苑
老盡如花種野蔬

西湖十景詞

調寄蝶戀花

蘇堤春曉

露滴花嬌如粉面
綽約風前堤上初
相見借問六橋開
已遍潮中早有飛
紅片十五妖姬裙
色茜一曲瑩篔簹
珠淚清波濺恒舞
酣歌君莫倦蘇公
祠下無羹奠

斷橋殘雪

水罩寒煙山聳翠
問訊山梅歲暮香
還闕一夜同雲風
薦瑞瓊樓玉樹瑤
鋪地寒峭雪晴峰
漸出梁澗冰漸
清韻醒微醉借得
蹇驢囊餅餌泥中
訪衲橋西寺

三潭印月

原立三幢以鎮湖中水怪

煙水陰沉湖岬暝
江海蛟螭魚服游
佳勝月靜潭空僧

擊磬夜深百怪來潛聽
波湧三幢冰玉滢千頃琉璃
老蚌龍盤定孤客清宵微醉醒欲從星漢求仙乘

兩峰插雲

卷映雲中堆兩髻雨沐風梳臨鏡逢春霽
齒苞朝飛如戴鬕霞鋪月暈成佳麗
塵外二生焉可繫豹霧常靈俗眼容旁晚無着天親兄與弟回頭俯瞰人間世

雷峰夕照

日影啣峰霞影絢短塔長林蒼翠皆潛變
添得胭脂成錦片也來粧點孤僧院
湖湧金波朝梵殿舞絮行雲盡染新芳茜
此際樓臺人倚遍千家一色飛花面

南屏晚鐘

碧嶂丹巖南岬繞如畫常懸幾曲屏
山渺每夕樵歸林噪鳥昏鐘隱隱來雲表
歌舞湖頭渾未了音度溪橋打點收場
蜚猷送芳春回悄悄綠肥紅瘦佳人老

麴院風荷

必竟西湖三伏裡風暖香清都自荷花起
多少青帘隨步履糟邱麴阜人如螳
小院朱欄圍碧綺紈扇銀篋錦瑟同偎倚
陣陣幽芳浮酒匝月來花好人歸矣

平湖秋月

秋色浮空秋月亮桂嶺荷堤難遣昏眸放
獨有湖中清淺浪孤亭八面除屏障
時倚雕欄登畫舫舉酒相酌人月同飄蕩
波底忽來盃底漾若連頭上成三望

三望字借

春秋
經語

柳浪聞鶯

門外沙堤連碧燼金線長條拂水拖煙遠好鳥朝來音
繾綣鶯啼更覺情柔婉駿馬輕舟同小輦士女如雲
藉草開芳宴紅雨繽紛聲宛轉斷腸春盡餘空苑

花港觀魚

濠上臺觀湖上釣花落香浮碧沼金鱗跳漁老網殘持
短罩臨淵徒動時流笑客寄滄洲思壯少作賦登樓
卅載飛雙曜白首重來為咏嘯前魚棄久堪憑弔

擬西湖妓唱十景竹枝詞

芳草鋪茵映茜裙三橋溪路繞毛墳趁晴且到雲林寺

柳色初勻花未殷

蘇小墳頭梅正妍邀儂步入斷橋邊隨孃學著餘杭履
雪裏行過有玉蓮

天竺攢香拜佛時舟回月印放生池潭邊莫把菱歌唱
沾染龍涎恐化聚

尋芳不到二峰間但見雲中露兩鬟莫學鬢髮舊樣髻
黛眉新畫勝春山

登樓遠望野雲屯潮湧金波撼郭門塔黯山昏風雨惡
此時那不憶王孫

南山荒麓野僧家每夕鐘聲趁晚霞鞍馬已空敲不歇
應隨妾去老琵琶

岳王墳廟踏春陽
蚤是蓮花又放香
小院曲欄千朵艷
不知若箇似張郎

秋宵人去月留空
家住西陵湖在東
記得前年歌舞處
夜深棹入濕銀中

只道香閨攪夢頻
誰知度郭喚芳春
送行折斷長條處
黃鳥聲中望煞人

東家小妹惱狂且
春晝邀看花港魚
香沼徧觀無比日
倚欄含淚動長噓

和西湖十景截句

代內

東風庭院長新蕪
梅倚疎窗綠葉糊
君踏斷橋芳草路
詩成定可勝林逋

蘇堤爽杏說新栽
春到人間花盡開
不信韶光南北改
願隨君子賦歸來

舟溯吳江入越山
光水色撲蓬窗湖
心寺廢僧應去
曾否畱龍護寶幢

是處煙霞起極峰
不分晴雨入雲中
登臨可向家山望
遙隔濃嵐幾萬重

夕陽城郭晚聞笳
記得行山舊紫霞
歸上麗譙堪放眼
不須惆悵嘆無家

城外寒山寺送鐘南屏聲韻得無同君須料理醒前夢
莫漫追思長樂宮

往事消亡千百年荷花十里亦空傳舟行莫亂田田葉
畱待多開並蒂蓮

花時燕子正紛飛一路春寒若授衣軒殿湖亭憑倚遍
回舟好載月明歸

黃鳥飛鳴過涉河趙州橋畔綠楊多山青水碧春如昔
鬢髮歸時恐半皤

每拜檀爐誦佛書勸餐儘可食無魚試隨風雨歸江海
三島十洲總目疎

懷舫詩續集卷八

寶山往來雜詩

戊申冬月

移居三首

己酉新春訪確士二首

雪打燈歌

立春後作

雪中過王府基

紀聞前四首

偶至郝步青新署

春陰二首

紀聞後四首

賦答夢庄先生

春日贈別 仲兄歸栢鄉

偶見二首

讀春秋歌 每三句一段共九段二十七句

訪送確士先生移居西山二律

對牡丹作時遊錢塘歸有人贈花三本

佛誕日前贈牡丹人又贈芍藥五株內有一株純

白者更可欣賞戲作 韻

鱗魚行

自述二首

閏端陽五月望日

蚤起偶成

七夕二首

我生二首

秋興八首 已酉客吳

聞磬二首

九月朔即事四首

古重陽日再用古人句 作魏體格五首

冬盡有感

六十生日舟次

圃人惠花為祝

卷九

庚戌元旦述見四首

上元前二日靈岩山麓訪確士為賦六章
返城又賦二章

上元夜即事

遊虞山二首

示兒升敘

贈授唐姪孫

紀夢二首

與思永弟重修家乘賦贈一律

賀廖瀛海七袞大慶

輓施門烈婦

賀霄第大兄八旬大慶

唁李姊丈喪子一首

候家四姊

哭先姊適冀隆吉總憲

延雲林敏岩和尚過寓午齋二首

寄年允公

集字二首

辛亥新正十一日作四古詩

新正十一日夜

卷末像贊

觀音像贊

學士陳誠卷像贊

聞先和尚小照題贊

題楊銜若小照

題舒母廖太君貞節

懷舫詩續集卷之八

寶山往來雜詩 戊申冬月

笳鼓曾遊路風寒日昃中盤渦畱浴鳥斷岸走枯蓬契
濶形為役虧盈道本通生涯詢海若寧返逝潮東

逶迤江帶郭禹續導三分菡萏晴山影飄零晚浦雲有
溪來越士無樹蔭齊墳偶泊蒼葭外功名弔蠡員

崑太
行舟

二
首

霜林森野渡古戍照寒塘菊晚如人淡楓醺映酒黃川
原皆老物去住總他鄉前路憑風便煙波未可方

船虛容寄傲艤扣引成歌海近人家少沙平雁宿多汀
洲來暝色星月印澄波莼渡笛聲遠漂搖感若何

由太
倉赴

嘉定
二首

淺流經百折荒蕪沒孤村市簇黃茅屋家編青竹門曾
無軒蓋過定有許巢存素願乘桴客來茲欲問源

鷄爭栖敗柵牛逸放空田庶老鄉成飲中林獵獻豨太
平容廢吏王道致豐年樂此遑思蜀蜀後主語危生信

善全晚行近嘉定二首

舵樓霜重壓草岸燒全殘入夜星河迥迎潮襍被寒妄

消詩足累身在患多端掉臂來東溟珊瑚拂釣竿

閃閃風燈夜蕭蕭雪鬢人廉頗傷去趙隨會惜畱秦待

免羈南國求魚到海濱自憐前意氣百尺溷緇塵夜作二首

白鹵灘邊路朱霞海上城魚鹽民厚利絃誦士新聲昆

季艱常見盤餐料夙輕杜工部詩所來為宗族亦不為盤餐登堂歌樂只

顧諟爾嘉名

生幸全天樂 恩承作宰官鳳毛五世瑞燕領九邊安

兄之五世祖明嘉靖朝鄉會經元三邊總制大司馬食德培深遠宜民濟猛寬菜

根分我嚼莫為買豬肝預作示姪二首

已卜菟裘老忽嬰馬足塵炎歎來海邑疾病值勞身一

訃傳中路初名證夙因弟兄看漸少况喪老成人邑名即兄

小字乃終於署中

幾載驚相見悠悠各白頭耽詩協雅度問事盡忠謀筆

墨陶潛憾鮮醇陸賈羞淵明五子筆墨不精陸賈多男但供酒肉視兄諸子學行皆賢

相去不遺文獻在砥柱折中流聞兄詩二首

蒿徑緣溪曲，棉楷布地寬。竹拋兒跨馬，水涸艇依灘。漠漠村煙渺，荒荒海氣寒。循途吟土俗，舊是採風官。

戚臣曾仗節，觀海昔從行。頌獻仲山甫，軍懸細柳營。金

張榮寵歇陵谷，變遷驚猶聽城隅。際吹笳曉暮聲。登陸二首

憑棺盡一哭，滴淚寄重泉。隨化知終矣，櫻寧信偶然。近

占蝴蝶夢，久廢鶻鴒篇。近夢凡辭余歸里乃不祥也那因念伯仲兩胞兄亡已久矣

更他鄉裏化，離值老年。

才名雄白社，壯志阻青雲。孝友委蛇盡，樞機敏慎聞。維

城宗有後，克荷父餘薪。無憾留人世，逍遙天漢濱。哭兄二首

歸路倚輕舸，崑峰塔影標。吳城屯霧霧，故國阻翔翔。鳳

鳥毛何瘁，魴魚尾已勞。隨緣成去就，憂喜付醪醕。

那復羞狐貉，何堪問炙羹。長鑱携短褐，白墮侑黃精。入市人爭席，高門自養生。課兒書已熟，時煖舊詩盟。返蘇抵寓

二首

移居三首

故國移居見客心，他鄉播越感尤深。牀頭酒盡携空甌，

質庫衣多置舊砧。吹到春風無定域，隨來明月有誰禁。

桂株更植寒松側，卽擬家園坐茂林。

古今傳舍是人寰，豈必遷流怨間關。愧我東來無紫氣，

懷鄉北望有青山。筆牀茶竈隨身老，好鳥名花賞日閒。

穿榻登樓皆可適，更思采藥入荆蠻。

書籍隨遷狸護行，夜分移去詠哦聲。空堂四壁如常靜，

寒月無人想倍明
臨別流連眠食處
重過惆悵歲華更
懷安憶往多興嘆
寧止思家動遠情

己酉新春訪確士二首

築居南郭好林泉
閱歷三朝文獻傳
風物流連惟朴略
禽魚飛躍各雲淵
客來心醉芝蘭郁
春到門羅苑李妍
觀槿謝開無競意
寧羣揚馬逐時賢

先生小照自題
曰觀朝槿圖

受廛老欲作吳民
更願移家託里隣
畏壘久興宗楚議
鹿門今識姓龐人
文章體格齊年老
山水煙霞與日新
自愧曾爲求駿使
進賢徒望九方歎

雪打燈歌

雪打燈高樓廣陌
冰峻增華燭光沉
繡幔掣明月匿影

寒雲凝千羣萬隊
遊踪沒深泥活活
戶外盈鸞釵鳳履
閒雕檻竹馬瑤珂
鎖畫屏比年客眼看
時事朝遷夕變
如陰晴愚老何知
空震眩但願豐稔
泰階平三冬久旱
甘井竭隍濠一綫
入吳城會消春水
四澤溢來蕤復茂
菜亦甦作餅煎糕
足塞望穉香魚賤
想易營故里思歸
歸不得子弟鮮賴
輕老成跼踖安見
非樂土冰雪瀰漫
心境清魯酒淺酌
小妻勸新詩高唱
蒙童驚瑤階玉樹
照孤檠飄蕭鬚髮
素華瑩寶炬銀花
兩寂寞處處澄觀
白自生天人盛衰
誰可必虎豹文凋
姑存質雪打燈夜
夜何其黑甜夢裡
忘凶吉

立春後作

春入屏軒淑氣和，寓翁帝里舊鳴珂。堂楹青鏡晨羞照，壁隙霜駒古易過。鳳曆觀年行漸退，曆後載六十年一年一行逐歲移退雞靈占歲稼宜多。眼中寧獨惟吾老，隨化無須悵逝波。

雪中

川原積雪起飄風，瓦礫蓬蒿一徑通。泥淖冰澌如糞野，瓊樓玉樹想吳宮。初寒客路憑奚適，春事佳遊取次空。寄語東皇須努力，莫教和氣滯寰中。

紀聞前四首

裘索姑爲避地翁，虬操泉壤幸粗充。文章芻狗抑揚任，名位浮雲升降同。岐薛今誰延賦客，山川何處認離宮。上林花草當春發，枯盡連昌竹萬叢。

帝陵松老守風霜，遼鶴仙遊歷歲長。祠祿陳人新政府，世卿尹氏舊戎行。蕭蕭祭燕毛先序，耿耿江湖心未忘。壽者招呼同顛首，聞今養老法周王。

終南佳致足高寒，千仞崖垂舍矢難。宛馬西來師欲老，流言東避斧將殘。鼎烹功狗隨狐兔，閣畫勳圖落翠丹。一片狼居胥嶺月，照枯萬骨水沙攢。

六詔霞鋪萬里長，五陵芝秀四山香。碧雞金馬神呈瑞，奕葉蟠根頌發祥。旦旦卿雲輝舜殿，翩翩萸萸植堯墻。聖明獨切憂勤意，耕藉郊春祈歲穰。

偶至郝步青新署

姑射山頭石移來，冷翠新庭閒花待。發啼曉鳥當春好。

古陳彝鼎揮絃對吏人元龍意氣在登嘯雅懷伸署中次堂

樓有

座仰 天文麗燈懸春雪明盈樽北海酒接袂季方兄

時中山宸宣 世兄相陪 豁達猶京維丰神更老成我來要結襪非

願重王生

春陰二首

春到頻陰老怯寒日高酣睡掩荆關客來剝啄愁童報

飯熟清芬逼夢殘蕭寺梅花零雨雪洞庭山色阻風瀾

一編靜對宵分後掩卷悠然眼界寬

人滯蕭閒歲苦忙三春強半付顏唐簷窓好鳥頻求侶

飛李寒原未放香野水雪消添幾尺泥塗書寄阻何方

故鄉憶值清明候紫馬金樽引興長

紀聞後四首

如綸一詔問痍瘡魏煥光華照闔閭千萬蠲租知帝力

鷺鷥啣命布春陽山川遍處多遊跡城市十家幾醉鄉

蘇城內有十家 三酒店之謬 客裏喜聞蘇嬾病生徒界我走踉蹌

辟雍鐘鼓振雲霄四海菁莪集邇迨成達德材為國用

敦崇學行應賢招傳經念祖開卿相先祖明季選貢實生先宮傳兄弟

四人皆登科第仕宦而先宮傳獨貴 棄櫟憐余付爨樵造士舊聞升鼎鉉

恢弘耑矚報 唐堯前明洪武時選太學生四人為大學士入閣輔政其餘外任藩臬長

副者甚多亦曠典也

峴山蒼石起河干吉甫端紳繼築壇秉節三公尊使相

策勲百爾錫纓繁麼麼臣蓋來朋蹇咫尺天威凜頰觀
水土咸平衣食裕文王民定不飢寒
浮達方州貢粟充如京如坻帝城東司農綜覈嚴乾沒
食政流通慎腐紅奉一德期廉且法體羣臣本信而忠
善人大資寬侵盜廣被如天地載弘

賦荅蓼庄先生

陋巷怡顏樂浮雲遠世情佳篇傳雅社健步散春城

先生

言味曾步至婁門外繼返二十餘里獻老存園綺延賢愧信平少微移照
後孤詠掩雙荆

春日贈別 仲兄歸栢鄉

迢遙嶺雁久離羣茂苑相逢袂又分棹尾春風催似弩

老來遊侶散如雲鬢堆雪影憐孤客囊解梅香許共熏

贈以鼻煙味帶梅氣歸路花開行緩緩語出錢王江淮佳麗正紛紜

偶見二首

樓船笳吹擁江潮帝闕雲橫絳節遙大厦成時來賀燕
長竿投處集陽橋為犧已鍛雄鷄羽吹劍何聞彩鳳簫
終老青山紅樹裏不知城市有轅轍

漁舟偶出武陵津岼帶旌旗花柳新堤上綠蕪爭試馬
湖頭白袷獨垂綸那知晉魏今何世須信葫蘆古有人
日暮長歌移棹去無邊煙水月盈輪

讀春秋歌

每三句一段共九段二十七句

彼歲序兮去忽諸老冉冉至已及吾隨時求適讀我書

仲尼東周一素儒擅王者事在操觚桓文貶謫亂賊誅
揭日月兮臨天衢開大路兮芟荒蕪五常萬世表楷模
昧者智闇學思疎知而弗行習尚汙遵經師古聖賢徒
後世傳會說紛拏得例失義事多殊一二字中繹之無
俗士干祿更循膚揣摹投好期華膺卿相高班列鄙夫
或號通經終模糊白首青衫貧且愚致令悔不爲樵漁
寧識道教非遠迂淑身治人寸心餘屬乎命者不遑虞
能明晰義勿例拘逐事精義神與俱春秋聖志在是歟

訪送確士先生移居西山二律

萬家城市溷塵踪我獨南村訪遜翁
水一溪通略約入門三逕長
蒿蓬高文奉祝無憎命情話相規有固窮
此去白雲深處住還思徃覓白雲中
雨晴嵐重朝侵座上煙消夜倚樓
閉戶著書松不老看山習靜
槿忘憂林泉遍結煙霞癖
弟子羣隨杖履遊晤語晤歌當
獨寐嚶嚶有鳥喚春愁

對牡丹作

時遊錢塘歸有
人贈花三本

春雲倏結散春風間涼煦冉冉及花晨
錦綺明野墅我昨別湖山囊空無快聚
有美伴朝夕未覺年遲暮錦香塘七里
佳麗盈園圃安得萬金錢盡買千紅樹
三女爲粲兮深藏戒炫露張幄避暄陽
懸鈴驚翠羽尤物尚丰姿富貴何足數
乃知繁華中不礙契心懷朝慰讀書情
晚供進酒具繞郭挹清江垢濯精神注
墻頭粉蝶過堦

下綠苔布月夜松桂陰沈睡影交互天地亦逆旅我汝
耶同寓生意綿古今造物無舛誤嘉卉歲爲榮誰繫曦
輪駐

佛誕日前贈牡丹人又贈芍藥五株內有一株純
白者更可欣賞戲作八韻

三春聿暮矣五美惠來焉色界眼前見芳情言外傳毛
施成繾綣姚魏與周旋月好羣英集香清百慮捐忽觀
堂畫錦雅欲宴瑤泉短壁曾椒聖荒堦亦綺緣淺深皆
可愛紅紫藉明玄願贈冰壺玉獨叅微笑禪

鱒魚行

老魚春盡理舟楫風雨瀾漫頻出沒海水排山鯨駕來

潮頭硬浪高突兀此際撥舟納江心全家委命在倉猝
網得鱒魚獻賈豪玉鱗一尺銀一笏驄馬分司未得嘗
腹腴久飽琵琶妾作吏江干饒且貧四月薦鮮待榜人
乃知黃金易集事用物精多鬼亦智憶昔故人詔祀回
爲釣雙魚邀一醉中泠汲水製膾成下箸咨嗟動天使
書生淡泊此何堪敢縱貪饕忘鹽豉寧知富兒食已厭
脂膏狼籍棄刀坵消蠟成堆酒潑階十家之產罄終讌
比歲被褐爲逋客白頭住傍濂溪宅園葵野苜佐饔飧
重五將近嘗新麥烹小鮮同治大國鱒魚如珠去莫獲
東隣開筵買盈筐贈我不受腐鼠嚇拈管作歌歌祝魚
化作長鯨遊大澤爾胡不學猶龍氏恒蟄海底無指摘

魚兮魚兮忘江湖是爲全生最上策

自述二首

筭老重逢庚戌年古今往事浩無邊
盛衰過眼皆難返恩怨關心未易捐
終縱豪情成我悞仍輕俗士受人憐
晚來生死閒看破仙佛方知欠自然

庚戌重逢週甲初回思陳迹識前車
向因作宦疎餐古老爲傳經喜著書

余著大易通解已成近又著春秋或問

卒歲安排毫楮

在餘生約略伎求除多時方得成
無用材木由他笑社

樗

閏端陽

五月望日

重陽曾置閏引例閏端陽南陸風初盛
北窓候尚涼殘

書辭短檠露井戀匡床茉莉垂盆白
枇杷映手黃客徵詩上扇醫治濕裁方
餅餌增中饋屏帷徹曲房褐衫煩婦
熨塾課與師商蟲毒符高照蚊喧煙
大張攝生宜蚤起病末應深防茶竈
愁消炭齋厨苦益糧家園薶麥熟
閩郡荔枝香悵望成遙隔臨餐三嘆長

蚤起偶成

灑掃閒庭旭景新胸襟莫遣着微塵
眼中不怨千秋史口角何譏槩世人
啜茗焚香宜老景落花啼鳥閱年春
高槐蚤有蟬聲起卒歲無方託隱淪

七夕二首

垂簷斜照初昏月隔漢遙明七夕星
怨曠由來蟲鳥識

風騷原訴別離聽連宵歌爰爲風雨一晌依違付水萍
閨閣少年爭乞巧愁思恐換髮絲青

丰標漫想前張緒招攝還思漢少君室去秦箏燕玉女
門空鼓鉞食魚賓鍾情我輩艱逢世忌巧天公靳誨人
強項不甘星下拜老來更信拙無倫

我生二首

我生束髮學遊燕晚歲長安望日邊兩足蹒跚雙鬢禿

一身飄蕩九經傳

余註大易道德南華靈樞素問及四子之書凡九經

貧餘兒女

催婚嫁閒裏平陂看海田蚤有秋風來戶牖晨興且檢

聖編年

今歲春初又著麟經或問昭編將完

客寓江城遠故鄉每逢伏臘國如狂梁鴻往事浮沉久

伍相荒祠草木長音信恒懸風雨黯衾帷已透暮朝涼
扶疎桂樹滋宵露望尔傳香月窟旁

秋興八首

己酉客吳

秋風秋雨入吳城處處雲峰有雁橫碧澗菊開山寺古
朱樓人老玉簫清塘連落葉辭林樹郭繞寒潮送客旌
中夜烏啼樵鼓急錦機織婦淚光瑩

碧天羶帳枕沙流一夕霜風九塞秋羗笛舊聞吹漢月

戰袍新製問涼州佩刀寧斷生環夢登障應懷將父愁

何日平戎歸卸甲蓼花蘋月共扁舟

有子塞外從軍已七年矣

凌霄雙闕露華凝長樂晨鐘下玉京閭闔九重懸月小
市廛萬騎動塵輕波寒太液石鯨卧扇掩芙蓉紫袖擎

瑟瑟清風江岸起還疑鐵笛倚墻聲興帝京

蕭蕭易水北風寒九月漁陽草木殘牧馬千羣肥首着

射熊三輔擁材官邯鄲美酒名桑落燕趙佳人貌玉攢

每到秋瓜思故友侯嬴頸血久枯乾興故鄉

環繞煙嵐珠璣迥溯沿波浪蓆檣開寺壇響梵天風雨

晨夕隨鐘月去來十載津亭歸客路重陽雲物賦詩臺

山州自古稱多處祇動鄉關庾信哀興京口

嶺南蒼鬢幾經霜歲月神山望渺茫詔下珠崖秦尉服

康熙癸亥年功標銅柱伏波亡康熙辛丑年臺叛七日

臺平鄭氏降病方壺是處翔遼鶴島嶼千重貢越裳罷郡劉弘身已

老秋風多次落枕榔興漳郡

佳氣離離怨彼都長陵石馬沒荒蕪黑山烽火悲原廟

流寇焚鳳陽陵樹一空朱邸王孫乞隸奴莢葉渡頭無笛吹莫愁

湖畔有霜鋪百年景物凋殘盡樓上春風想畫圖

掉頭常喜唱金飈白髮多情憑弔遙壯歲冠裳臨百越

衰年裘索寄孤瓢臺存鹿散空佳麗亭廢鶴歸剩牧樵

員蠡英靈今在否荒祠欲覓古魂招

聞磬二首

晨夕清齋發磬音閒中功課老來心爐香儘可熏圖史

梵咒原堪入瑟琴知佛性非聲臭類度人偈是短長吟

打包更嚮何方去滿徑蓬蒿當祇林

發響鏗然笙略同擊時聽去釋儒通一聲飄渺天人界

餘韵流連幻夢中
春雨秋風隨去住
兒啼婦諍付虛冲
老翁徙倚匡牀久
周蝶何遑辨有空

九月朔即事四首

雲垂覆女墻
草木染丹黃
菊好邀人醉
客羈感雁翔
吟懷憐晚景
鄉思壓清霜
重作登高興
觴浮桂酒光

買舟出郭

對佛小龕前
清齋近十年
無香常杜戶
逢衲偶談禪
毫楮何年屏
才名幾輩傳
秋光簾外老
漁牧覓江邊

前有東寺

間先上人來訪方修麟經未成是日午刻登舟出閭門外來鳳橋

秋淒天末風飄蕩
久江東香草凋殘候
華年吳越中
劍吹成一映月
醉得三同鳳
啞鯤麟困隨魚
逐鳥叢

今春遊錢

塘經句

空庭暮雨飛神黠
意而隨山水羣遊地
淒清獨坐時
逕荒堪謝客
書借不畱瓶
共戒除歌咏
孤吟欲質誰

是日晚雨

微夜俗言借書一癡還書又一癡不知癡乃瓶類也言借還書者各貽書主一瓶酒耳瓶乃瓶類

重陽日用古人句

作轉輪格五首

滿城風雨近重陽
雜佩丹萸戴菊黃
不對王公常脫帽

久居卑溼未成裳
樽罍姑醉乘龍客
荆布粗修嫁女粧

故里黍田聞賣盡
豐年雖遇在他鄉

在寓嫁女

倦眼江頭七閱霜
滿城風雨近重陽
杜門謝客閒遊屐

客歲尋僧到講堂
寺傍石湖才子沒
橋橫月夜野雲長

秋光又向空庭老
衰健何勞更預商

晨興幽事迫頽唐
戰茗和琴守尺房

房即宅也

四面雲山遮

改國滿城風雨近重陽年華過夢成今古花月隨時見
顯藏節序相催何太急寧因貧病間壺觴

歸路津亭忘短長何憂貧賤喜身康老來寄寓人情識
習慣吟哦子課荒半世功名輸一劫滿城風雨近重陽

濡毫追琢題糕句回首從遊歲渺茫憶隨先相國馬阜登
高已四十五年矣

毛益栽菊倚佳牀相對支離少艷香嘉種不蕃愁老圃

野花徒放競秋光姬姜罕遇存憔悴風日仍來趁萎黃

且酌籬根搔素髮滿城風雨近重陽今年鮮
佳菊

古重陽日再用古人句作轆轤
格五首

菊為重陽冒雨開今年霜信節前來九月二
日中氣園丁辛苦

辜花稅旅客衰遲減賦才短碣荆榛藏俠墓敝廬雲樹

接叢臺梅村贈先相國句
家近叢臺推意氣大行秋色方蕭颯徒憶空庭

咏落槐舍間堂植雙
槐大數圍矣

詩因漫與隨雲散菊為重陽冒雨開文藝徐陳多白骨

英雄蜀魏幾青梅梅花催何遜垂垂老雞警劉琨鼎鼎來

騏驥長鳴京雒路羣中猶許附駑駘少子中北
闡副車

貧病他鄉驚令節蹒跚晚歲怯高臺書從故國穿雲望

菊為重陽冒雨開膝下依違辭季女江頭惆悵餞新醅

汝家敬往無相憶葛覃成衣寧父來時嫁幼女
赴密縣

名賢自昔多流落况我迂疎本散材樗櫟干時斥大匠

蓬蒿經燒剩殘芟友如凌曉看星綴菊為重陽冒雨開
每過滄洲亭子畔懷人弔古有餘哀

客館濃霜凋蔓草長松秀種徙徂徠涼風竹樹疎清蔭
孤客襟懷託遠哀鄰寺僧遷禪冷落深更雲去月徘徊
勿辜歲晚餘佳興菊爲重陽冒雨開

冬盡有感

連宵雨雪快朝晴魚米來春價料平山澤雲光占大有
街衢鼓韻憶都京童心仍在丹顏改暄景如前歲籥更
我愧皤然憂患老霜華曾否點公卿

辭闕違鄉十五年江湖飄泊跡頻遷要離骨朽消俠俗
應物詩傳淡吏綠榮卸時催時勝復衰愚我與我周旋
飛枯洞廢忘歸去悵望白雲覆墓田

六十生日舟次

城闈江水碧東南其常流城市百萬家徵逐遂白頭八
載歸愆期衰病寄滄洲生晨偃釣艇浩蕩一沙鷗故友
疎星曉俗情昏霧浮暮夜來寒雨曠默思窮搜乃識彼
造物興替匪厥由逝嬗非得已無心忘欣憂宰然望賢
聖瞠焉絕伎求履道敦坦坦大化任悠悠

圃人惠花爲祝

梅枝盛含苞草卉疎放香生意慰昏眸更照春酒光寒
極暖當至勝復變而常靈蠢寧異類欣欣共載陽惟具
殷若心釋謂智慧也多發鮮斂藏難共金石質頑塊久寧康
圃前爲祝辭君見亦踴涼芳羣得仙道用柔克至剛齒
舌不永敵延年致斯方梅幹歷千載材匪任棟梁無用

乃所貴巖阿歲月長

附錄沈確士贈詩四首

世事波瀾憂患餘幾年踪跡滯姑胥
主恩未報心
常戀藥性能諳病已除落日空江悲伍員秋風古巷
弔鱗諸宵來忽作家園夢安穩閒乘下澤車

戟門兵衛舊森羅楚尾吳頭歲月多鈴閣競傳朱鷺
曲錦幃細聽雪兒歌當年曾執舉陶法此日誰禁醉
尉訶試問翟公舊賓客朝來竟有幾人過

中夜聞雞氣尚豪側身宇內首重搔青天有問偕吾
黨白首同歸笑汝曹

謂排擠諸人

閱世險如穿虎峪謹書

細比析牛毛還聞柳玼祝兒子莫負從前門第高

好山多屬郡城西小鳥翩翩易木棲不接名賢揮玉
塵自憐病眼失金鏡官衙醉月懷鴻爪虛谷曠雲學
馬蹄橋刺藤梢今宛在鄭公應過浣花溪

懷舫詩續集卷之九

庚戌元旦述見四首

閒寂鮮聲光人各益一歲日月所歷經何方爲聚萃往
者不可追寸陰付委棄齒髮已白落老懷增憂悸况作
宦遊客縈神惟榮利學殖旣久荒功名亦廢墜年晚田
舍謀曰歸艱縮地

迪吉祇一途餘爲凶吝悔乃知積塵內憂患之所匯魚
龍互吞噬弱盡強仍餒反覆機變生陸沉亦每每道者
虛其心有容腹爲海日月遊行中山川涵育在萬恠照
方寸鑄形舍鼎鼐至恒渾非常有待而無待

天地兩大物其精亦至微陰陽原有象風動雲徐飛人

生事食寢奔命就殺機神仙穿窬雄盜竊在夷希終亦
歸于盡動中靜莫依暫存寧久住宜爲達化譏
無生乃無滅宗旨亦秘哉大德曰日生環行何去來一
切有無法言空色之胎以此示真詮祇足云糟醅氣有
所憑行物有所藉開彼未窺帝載棄玉取泥坏聖亦忘
生死冥晤究別裁大道萬古昭一理始終該二氏世冥
補宜屏等苴埃

附錄李客山和用原韵四首

鳥鳴春風柔乘震值開歲草木揚光華佳氣何蒼萃
雲中隋瑶章君子不我棄三復感公志處困心無棒
撫時發高吟蕭然淡榮利垂老學不倦簡編勸遺墜

誰知孝子心夢繞牛眠地

公以下葬太夫人不得卽歸爲悵

人能善補過豈有吝與悔世事日紛紛如水百川滙

道義旣已充浩氣自不餒一尊齊得失陶然日每每

宿昔繁華子投足弄雲海白首亦同歸今日幾人在

貪饕聞有戒古賢鑄鼎鼎空花委泥塵春風不相待

細草色乍展寒梅香尚微江上有冥鴻六翮欣高飛

白雲旣有託虞者空張機聲利一擺脫履險自如夷

至人觀道妙動靜情相依以茲悟有盡無爲造物譏

剝復有至理循環豈異哉君子安自然萬事任去來

不爲福之始肯爲禍之胎舉世忌獨醒何不啜其醅

每誦古人言心契顏爲開如彼陶家土埏埴先在坏

如彼石中璞必使良工裁無用乃爲貴公詩中至語句也
實精該自愧未聞道觸撥同風埃

上元前二日靈岩山麓訪確士爲賦六章

芳草梅花春驛傳遊原着屐五移年灞陵不識將軍貴
畏壘能宗列子賢結客出郊無小隊緣溪扶杖置雙肩
德公願切人倫鑑寧到雲亭問太玄

曉山蒼翠接城西白板門開散犬雞乘興渺然隨野棹
卜居葺爾傍芳堤吳宮花草墻陰繞蕭寺煙霞簷外齊
曲唱陽春誰和得梧崗獨有鳳凰棲

漁歌牧吹引幽村焚篆鳴琴客到門名噪恰同彭澤諱
詩工久許審言孫令祖家學幼許詩傳樓中明月懸華彩梁上香

巢舞艷魂載酒何能飲卜夜高城戍鼓報黃昏確士名德潛

塵跡卑棲吳市東金闈國彥快過從青山紅寺題名在

華冕金輿放眼空王獻剡溪飛兩槩嚴光釣瀨却三公

君辭力薦雄文者揚馬平生志豈同

山好當門嬾入城探幽無伴趁新晴篇章贈答思終遠

晤語疎蕭歲已更詩述弱侯存大雅官休魏尚置微名

曾邀道者求聯咏石鼎佳吟竟不成邀客山未至

茅堂粉壁許畱題心境偕清且靜怡崔灝高吟誰敵者

栽桑佳句世傳之確士示以新詩二生磐內相師友盡室堯時

樂皦熙栽竹種松重問訊一溪洄溯定無期有令姪在坐

返城又賦二章

十里違山鐘遠聞津橋蕪襯路岐分寶幢鶴影留紅寺
遊女芹香襲翠裙帆背日侵鴉背日高林雲接遠林雲
佳思曠杳愁歸去願逐蘇臺麋鹿羣

春江四匝鎖重關城市囂塵沒塔端煙霧飛騰遮月好
舞歌醉夢涵更闌鄰樓長笛猶堪聽旅館踈梅頗耐看
不及山家門蚤閉滿庭幽籟一輪寒

上元夜即事

金樽錦瑟歡歌畔亦有飢寒寡嬾愁白屋膏殘昏斗帳
梵宮鐘罷閉僧樓宵中人散燈成燼風起雲生月已收
忽聽簷聲來警夢已將遷變付泡沤

遊虞山二首

數入虞山城未上虞山巔城裏市廛改山中草木堅齊
女墳頭石干禩色蒼鮮梅杏時開卸當曾易取憐太虛
何寥廓大由亦彈丸雙足所踏外悠然水土寬故鄉狹
蹄涔吾瓢思置難聊隨意自適不求安自安

津亭楊柳色近接松杉道迺振衣袂塵飛騰出雲表蒼
壁聳千仞天風來浩浩上積皇古苔陸離間新草幽澗
鎮神宮蟄虬光秘葆靈風值晨起急雨飛晴昊

嶺半祖師殿前

澗中有恠物遇晨有北風則飛雨沾灑橋際

盤折數里北松逕無雜木清陰

寒白日翠濤鏗佩玉每得逢流泉偶爾過馴鹿午鐘動

上方扣關訪修竹

訪三峯寺川回上人不過

示兒升敘

時以拔貢中副榜來江蘇試用

命

粗攻章句竊微名美錦須懷製未精君子愛人曾學道
漢家循吏重廉平相門風味原儒素父德衰涼愧後生
幹蠱酬 思非異任歌詩免軟作心盟

贈授唐姪孫

時以拔貢
來江蘇試用 命

甘棠兩度栽江左今子重來就一官三代登科家懋學
當門題額世驚看授唐姪孫門懸一匾題云
祖孫父子伯叔兄弟進士年方強仕
宜精礪心久安貧耐餒寒甘嚼菜根成事業莫言邑小
治無難

紀夢二首

違親四十五年逾二豎常來狎老愚忽夢追隨言孝友
勉同僕從効勤劬哀猿助我啼聲切異地羈人歸路迂

會莖母棺心事遂死生衰健更何虞

夢先君有二僕及
二猿相隨為余逐

去二
黑鬼

老妻別後五春秋問訊衰貧兩繫憂少子來吳躬米白
丁男出塞首金兜經書暑雨殘蟬腹池館荒涼雜麥疇
豈是鹵京亡國恨一般回首涕橫流

與思永弟重修家乘賦一律

多才白首困儒巾茂苑來遊共被新樓藉筆花修五鳳
宋郊贈筆與其弟初詩云老兄
得此渾無用助尔添修五鳳樓盤供鮭菜念全貧全貧
見杜
集十餘七代傳經在四百逾年閱世陳族譜重編相勸
勉不為宗祖贅生人

賀廖瀛海七袞大慶

先生嶺嶠之鴻儒學富天人器鼎鼐桂花曾折最高枝
來作吳城循良宰儀封宗伯賞鑒真道義相期著意愷
中逢齟齬抽華簪琴鶴隨畱二十載傳經講學神靜閒
著書松老蒼鱗斑茂苑名流多立雪遠方負笈輕間關
貧志愈堅身彌壯雄談健飯酒無量理氣相參造化通
朱邵二賢端趨向昨歲古稀今已過大知大年養太和
天假期頤弘至樂念我常貽擊壤歌

輓施門烈婦

守節為正殉節烈千秋義事成於決當斷則斷無顧瞻
祇因斯理明獨切多少高冠博帶人難與裙釵作後塵
君不見長樂老十朝四姓趨承好又不見世修降表之

李家諛詞滿筆侈生花何如施氏新婦名堪揚採登青
史永流芳

賀霄第大兄八旬大慶

壽躋策杖 盛朝年一桂三珠植膝前射虎壯時常飲
羽連生比歲偶談玄園林碩果存先德翰墨名經啟後
傳重見老萊斑舞事有兒蒼髮拜華筵

兄子谷芳
年逾六旬

唁李姊丈喪子一首

樂天喪子身常健杜甫貽孫業始傳煩惱多端誰盡免
悲歡萬事古難全籬根採菊聊娛歲澤畔行吟竟老年
不到西河寬卜夏為言情話寄詩篇

白樂天喪子詩有
諸煩惱中除一件

之句蘇東坡中秋水調歌頭詞云人有
悲歡離合月有陰晴圓缺此事古難全

侯家四姊

適梁欽伯廣文真定相國胞姪

姊年六十久孤貧眼底浮雲變迹陳伯道無兒傳舊業

緹紫少女奉衰親

謂姊以兄子為繼以甥女隨侍

高堂明燭繁華歇黃

土白楊霜露新存歿相達成隔世謝庭詠桂倍傷神憶姊

丈故已三十年再思先人月夕詠桂句云奇香滿謝庭則五十餘年事矣

哭先伸姊

適冀隆吉副憲永年大司空仲子婦

梧枝一葉落驚秋

此婦十二三歲時聯句

壁隙白駒甲子週憔悴

他鄉聞姊訃淒清星漢訶仙遊終無兄弟憐隻影况值

飄搖罹百憂向北長號還自怨別離歲月莫追求

盛年苦見病常侵晚歲甥亡倍感心富貴何嘗管喫着

衰羸猶自督刀礮兒懷熊膽哀奚恃姪直烏臺哭未臨

魂往何天勞頰首風煙萬疊夢幽沉

延雲林敏若和尚過寓午齋二首

鷲嶺曾登問作家緇塵淨滌趙州茶契腸久冷溪前水

微笑為拈寺裏花正擬齋心投法界却逢盃渡到江涯

倩師示偈開真覺德溢恒河無量沙

今年貧到並錐無酒社詩堙約盡渝朗月深池心偶印

華軒陋巷轍全蕪愛山支遁勞雙玉乞米陶潛供斗珠

相與打包歸結夏枕流嗽石住西湖

寄年允公

魚涸鴻飢百慮灰尋常安得達三台雖遲杜甫還鄉去

却喜嚴公鎮蜀回金鑄千將寧躍冶馬逢伯樂可成材

大鵬未必非凡鳥願假風雲九萬培

集字二首

松風披玄圃晚雨駐郊城渚倚煙深鬱潮浸沙淨明酒
帘畱夜楫塞羽送淒聲水木蒼涼性還宜伴鹿盟

其二

花砌雜長筠輕雲接野濱臺森曛入畫澗咽石翻銀吐
句懷孤發揮翰志古論杯殘扶隱叟磯外暮移綸

辛亥新正十一日作四古詩

元日逾經旬人事徵逐結風來尚峭寒陽長已宣洩王
政合法春和氣起淵穴愚老久頽廢動偕垂魚列治裝
謀速去帽破衣衾裂殘書載萬卷與歸同飢渴貴交率

踈盡家音常曠絕俄驚倦客返妻子憐跛蹙獨存耿耿
心相對一嗚咽七載母辭堂餘生恨莫闕

人生無百載老少去其半追思所閱年三仕如蚤晏羈
吳歷八稔雷電驚瀾漫今逢開霽期王居頒渙汗棄家
更忘身一切委溝段昔作自銘云春來冰行泮帝心順
天運寒燠四時換君子信有常不說佛公案

余作自述
代誌銘載

中集

先人有大業國史紀其功直諫鄭公後能宣鉅鹿風烏
髮蚤賦歸俾道因人弘至今賜書樓棟橈卷自充兒返
拜父澤開讀發醯蒙愧齒隨馬老悵牯失牛撞仕學兩
無優晚乃十經窮流光多棄擲垂涕時撫躬

余著四子
書大易春

秋靈素
老莊

陶潛怨筆墨陸賈志醇鮮多子皆成累父薪罕能肩身
既墮家聲寧望兒才賢一經不足授五鼎徒肆筵祖德
本清儉勤讀而力田積累十餘世相業乃表宣嗟爾王
月胄勿但飾外緣春秋譏世卿况已替盛傳聲聞耻過
情名位實冰淵能爲君子儒韋布以終年

辛亥正月十一日夜

冬月清寒亦可畏家家避寒如避諱春令方來月早妍
吳市人聲起鼎沸富兒買梅更買燈不惜千金爲月費
梅開燈燦月愈明獨餘孤客時吁氣此月相隨數十年
渡江跡嶺遊并燕亦共挾寶歌扇底偶邀訪妓舞衫邊
歡笑率稀多契濶車輪馬足復舟末任我如鴻競朔南
惟君似影無離脫月光依舊常皎潔昔照青絲今白雪
他鄉重見寧忘情以是露泡觀一切

懷舫續集

觀音像贊

瓶貯真空手布和風風化萬物空涵一切風空不二
是為謂無生滅

學士陳緘庵像贊

雲中採藥久心內養丹成陰陽待理陳丞相稷契常期
杜少陵道義昭身世文章振古今萬文光華騰鳳詔
百篇珠玉重雞林徒行竟舍車掉并終辭弃栗里扶
鳩獨憩神東坡磨蝎同知命

先生乙巳生與蘇長公同宮

馮軾觀

滄海揚旌登泰山仰止孔顏隨處樂周流潛見一心閒

先生曾督學山東

聞先和尚小照題贊

維彼告子歸儒于禪再有莊生通禪于玄這箇老漢觸
處洞然都無住着未副詩緣不落聲聞是爲聞先

題楊衡若小照

維量斯洪維貌斯克言迺倫脊行迺從容是季怡怡門
庭雍雍以義主利爲謀必忠將茲應物用是飭躬家邦
咸達君子高風

題舒母廖太君貞節

賢豪挺生實原聖善如冰淵深如木葱蒨舒氏節母興
宗毓彥令子至行孝廉揚薦來綏巖邑絃歌滿縣清映
玉壺冰心一片譽歸北堂學誨雙擅搽茂青松詞傳黃

緇治成功昭龍光

帝眷花誥香車羣倫榮羨



